



De Schdraamer.

Ich geh', wann ich im Werrdschaus sitz,
So frieh doch nimmi häme;
Dann erschdens friehd mer nedd seiⁿ Sach
Un dann muß mer sich schäme.
An Schloof werd aah nix brofedierd,
Daß deszweh sich 's deht lohne,
Doch, daß mer for e Dieb mich hald,
Die Sach war doch net ohne.

Ledschd hammer e Kunzerd gehadd
Midd Mussigg un Solischde,
Midd sowaß dhun gern in de Schdadt
Sich die Vereine brischde.
Friehschobbe hadd's mit Mussigg gebb,
Un noh 'm Kunzerd um achde
Familiemend midd Mussig,
Do kammer net verschmachde.

Nadierlich war ich aah debei
Beim Singe un beim Drinke,
Besonnerß waß es ledschd bedreffd,
Voß ich nedd lang mer winke;
Hann aah meiⁿ Schulligkääd gedhaⁿ
Im ähne wie im annre
Un denf so an de halwer zwelf:
Jezd werrschde hääme wannre.

De Mond hadd grad so schäⁿ gescheind,
Direkt in unser Heefche,
Ich guschel mich ins Bedd eneiⁿ
Un frää mich uff meiⁿ Schleefche.
Raum, daß ich finf Minudde lei'
Schallds unner mer eruffer:
„Ach Godd, do owwe dabbd ähns 'rum,
Ich drau' mich nedd enuffer.“

Meiⁿ Hausfraa war's midd ehre Määd,
Zwää sunschd kää imle Kinner;
Die heeren, wie die Hausdehr gehd
Un sunschd nix mäⁿh dehinner.
Dann heern se iwwig ehre Rebb,
Waß in de Gaub rumwische;

Deß kann jekd nor e Schdraamer sei",
Der sich enuff geschliche.

Glei' newedra" e Jägdler wohn
Midd seine Hund, me Daggel
Un midd me braune Hiehnerhund,
Me ungeschlachde Daggel.
Denn gehn die Määd um Hilf jekd a",
Doch der, der war gescheider,
Waß an de Dehr se aah geschelld,
Der schloofd ganz ruhig weider.

Ich bin aah drimwer ei"geschloof,
Dhu mich an nix mä"n schdeere,
Awer am annre Morje mußd
Ich 's vun drei Seide heere:
Wie in de Ängschde sie gewest,
Ob ichs weer, orrer e Schdraamer,
Daun hääme kumme vor de elf
Deß dhud doch bloß e Zahmer.

Es weer aah nedd mei" Schridd gewest,
Der sunschd so leichd und sicher.

Ich mißd aah mol geschdolbert seiⁿ,
Mähnd ähni midd Geficher.
Do iß die Sach zu dumm mer worr,
Hann mich uff deitsch empfehle.
Doch geh jekd je vor Zwelf ich hääm,
Soll mich de Deiwel hole.

